

欽定石渠寶笈續編

欽定石渠寶笈續編

第八十一

圓明園等處藏 四

同樂園

皇上御筆書畫

御筆通鑑綱目三編序 一冊

本幅宣紙本。四幅。縱七寸八分。橫九寸八分。
行楷書。

御撰通鑑綱目三編序 編年之書。奚啻數十百

家。而必以朱子通鑑綱目為準。通鑑綱目。蓋祖述春秋之義。雖取裁於司馬氏之書。而明天統正人倫。昭監戒。著興微。得春秋大居正之義。雖司馬氏有不能窺其藩籬者。其他蓋不必指數矣。嘗謂讀書立言之士。論世為難。非如朱子具格致誠正之功。明治亂興衰之故。其於筆削鮮有不任乎奪之私。失褒貶之公者。自綱目成而義指正大。條理精密。後儒有所依據。踵而續之。

由宋迄元。釐然方冊。至明代君臣事蹟。編緝之
難。更倍于諸書。蓋明史已成于百年之後。而世
變風漓。記載失實。若復遲待。將何以繼續編而
示來許。爰亟命儒臣。法朱子通鑑綱目義例。增
損編摩。大書以提要。分注以脩言。每一卷成。呈
覽。朕于幾暇。亦時御丹鉛。為之叅定。雖于天人
一貫之精微。未之能盡。而惟是謹嚴之義。守而
弗失。簡正之旨。志而必勉。書既成。羣臣舉唐太宗

之事為言。勉從其請。而為之序云。乾隆十一年夏四月朔。御製并書。鈐寶五。乾隆。舍經味道。有典有則。指遠辭文。

鑑藏寶璽。古希天子。八徵耄念之寶。五福五代堂。古稀天子寶。石渠寶笈所藏。

御臨董其昌臨聖教序

本幅宣紙本十五幅縱七寸橫九寸行書

臨董其昌臨聖教序

見寧壽宮所藏御臨聖教序卷

乾隆丁卯嘉平月御臨於重華宮鈐寶二乾隆宸翰琴書道趣生

鑑藏寶璽古希天子五福五代堂古稀天子寶八徵耄念之寶石渠寶笈所藏

御筆寶珠香界即景詩一卷

本幅蠟牋本。縱七寸八分。橫二尺八寸五分。
行書。

遊寶珠香界諸勝即景二十韻。當秋山色淨。
趁曉夜涼舒。玉魄依河淡。金曦出海徐。雲莊發
罕畢。嶺路邁崎嶇。蘿露霏烟細。松風韻籟疎。寺
低臨法海。峯背指蟾蜍。蟲響聞荒坂。雞鳴見遠
墟。據高懸照普。得要觸懷虛。歷歷非紆彼。擬擬

盡起予。招提看宛宛。調御坐如如。又是經年別。
真成方外居。遵蹊再攀陟。搏壁且趑趄。隨步來
新會。尋思忘舊於。琴書原好在。軒榭試憑諸。詎
慕遠公社。誰停元度車。梵音空色相。真界靜鐘
魚。便以傳餐罷。因之迴蹕初。林颺鳴轡勒。澗瀑
濺衣裾。大野欣多稼。西成近可書。三時望匪易。
一意略為紓。景惜粗疎過。詩成攬結餘。乾隆
癸酉新秋。御筆。鈐寶二。乾隆宸翰。摘藻為春意。

在筆先。

引首

御筆。珠林攬秀。鈴寶一。乾隆御筆。

鑑藏寶璽。石渠寶笈所藏。

御書樂志論 一卷

〔本幅〕宋箋本。縱七寸二分。橫二尺三寸五分。
行書。

仲長統樂志論。見養心殿外藏書
邦連畫樂志論卷

乾隆甲戌孟夏御筆。鈐寶四。意在筆先。乾隆宸
翰。得象外意。筆花春雨。

〔引首〕

御筆。快然自足。鈐寶一。乾隆御筆。

鑑藏寶璽石渠寶笈所藏。

御臨米散蕭閒堂詩帖 一卷

本幅宣紙本。縱七寸五分。橫二尺二寸。行書。
誰起蕭閒堂。圖贊凡陋質。昧昧豈我思。有
懷斯士吉。吾生終不遇。二陵已相失。苟養走
四方。公卿更絕迹。向我交漸稀。背憎十六七。
豐吾九畹蘭。任汝滿林棘。我豈蕭閒人。偶然
得空壁。美哉何方彥。精絕入妙筆。君可媿顧
長康。取媚桓溫圖。九錫我不媿。孟浩然。緩策

京山遇摩詰。前此交衛久不康。紛紛白頭多
不卒。嗚呼紛紛白頭多不卒。迴首此君應辟
易。

米芾蕭閒堂詩帖。丙子清和御臨。鈐寶四。意在
筆先。乾隆宸翰。含英咀華。觀書為樂。

引首

御筆。瀟灑天真。鈐寶一。乾隆宸翰。

鑑藏寶璽。石渠寶笈所藏。

御筆題明神宗本紀 一卷

本幅宣紙本。縱七寸。橫二尺三寸。行書。

御題明神宗本紀

偶閱神宗本紀。見其為皇太子時。方六歲。穆宗嘗馳馬宮中。諫曰。陛下天下主。獨騎而騁。寧無銜。掣憂。穆宗喜。下馬。勞之云云。不禁廢書而嘆。而笑。以為必無其事。蓋笑作史者之無識。歎明之亡。已兆其幾於此也。夫宮中非馳馬地。六歲

童其見斷不及是。而亦不能為此通文數語也。必乳媪中涓。信口說項作史者。遂紀耳食。炫以為奇。夫豈幼而徇齊之比哉。且洪武以馬上定天下。永樂亦以馬上取天下。神宗獨非其後嗣乎。忘祖宗之勤勞。諫父皇之習馬。為穆宗者。當捷而訓之。又何至下馬而勞之哉。吾故以為必無其事。如果有之。則明之亡。本亡於神宗之惰政。而先幾已早兆於其六歲之時矣。己亥仲

春之月上。澣。御筆。鈐寶三。含味經籍。乾隆。

引首

御筆。審幾辨偽。鈐寶一。乾隆宸翰。

鑑藏寶璽。石渠寶笈所藏。

御筆宋孝宗論 一冊

本幅宣紙本。四幅。縱七寸五分。橫八寸五分。
行書。

宋孝宗論。見正大光明所藏御筆宋孝宗論卷。

癸卯孟夏

之月中。潯御筆。鈐寶二。古稀天子之寶。猶日孜
孜。

鑑藏寶璽。五福五代堂古稀天子寶。八徵耄念之
寶。圓明園寶。石渠寶笈所藏。

御筆元日小宴廷臣詩一卷

本幅宣紙本。縱七寸五分。橫二尺二寸。行書。
交泰匪今陞。延清振古堂。蔽屏將出震。韶管奏
歸昌。麗景椒花頌。遐年柏子觴。螭坳看濟濟。鷺
序總陽陽。燦爛宮袍錦。芬馨玉鬯湘。九華雞樹
燄。百和獸鑪香。佇若嘉言進。欽哉庶事康。瓦鴛
棲瑞葉。所喜肇農祥。元日小宴廷臣作。并書。
鈴寶五。清心抒妙理。內府圖記。長春書屋御製。

乾隆。

引首

御筆。履端紀勝。鈐寶一。乾隆御筆。

鑑藏寶璽石渠寶笈所藏。

御臨米芾邂逅帖 一卷

本幅粉牋本。縱七寸四分。橫二尺四寸。行書。臨米芾帖。散頓首再拜。後進邂逅長者於此。數廁坐末。款聞議論下情。慰忤慰拊。屬以登舟。即徑出關。以避交遊。出錢。遂莫遑祇造舟次。其為瞻慕。曷勝下情。謹附便奉。啓不宣。散頓首再拜。知府大夫大榮下。

御臨鈴寶三。含英咀華。會心不遠。乾隆御筆。

引首

御筆。寶晉風規。鈐寶。乾隆宸翰。

鑑藏寶璽。石渠寶笈所藏。

雙鶴齋一

皇上御筆書畫

御臨董其昌臨月儀帖 一卷

本幅宣德牋本。縱九寸六分。橫七尺三寸。行

書。

旁注楷
書釋文。

十二月朋友相問書。正月孟春聚

會乖離。經今數載。音書斷絕。忽隔兩年。敬想
履新。故當清適。聊陳一酌。冀叙二難。仰居高
賢。希垂下顧。餘人盡到。唯待明公。佇望光儀。

願無推阻。二月仲春。獻歲將終。青陽應節。和
風動物。麗景光輝。復以翠柳搖鱗。紅桃結綬。
想弟盤遊勝地。縱賞嘉賓。酌桂醕以申心。翫
琴書而寫志。無由披叙。聚會何期。謹遣一行。
希還數字。三月季春。芳信遠臨。還同面叙。披
文解意。企望成勞。言散未期。詠情何極。方今
啼鶯轉樹。戲鳥繁林。柳絮驚飄。花飛亂影。對
斯節候。歡恨縈懷。謹附寸心。希垂尺素。四月

孟夏。往昔分飛。本期暫別。何因一阻。遂有經年。夏夏時暄炎。光風轉扇。眷望之積。伊何可言。每嘆川雲。恒思歸便。倦情不已。憶念增深。幸願高明。伏垂下問。五月仲夏。分張未遠。離處已遙。久絕知聞。常懷歎滿。今期盛夏。濕熱異常。不審比來。如何賞納。想弟池亭散志。琴酒自娛。寫望登樓。披書悅思。佇歸言諾。已此申懷。公門卒卒。不敢多具。六月季夏。自從分

袂各處遊方。旣阻關河。音書斷絕。追問往信。
敬想為勞。言展末期。歎羨無似。哭見極熱。毒
氣傷人。足下此時。如何安適。為奉言叙。念想
追尋。謹遣一行。希垂下問。七月孟秋。離分一
日。情甚三秋。執別暫時。心同積歲。何期睽阻。
音響罔然。憂慮之勞。不能已已。況景悅三秋。
時歡七夕。不任追想。望覩思人。謹遣數行。希
還一字。八月仲秋。還憶奉辭。經今數載。何期

分袂遂絕知聞企望白雲心歸故里俯思素
友情想披尋况高樹吟蟬雕堂去燕羈遊感
思獨旅傷懷寄此深心希存來問九月季秋
奉辭言展遂隔數日時候徂秋能無馳仰青
山帶地叙會無期况阻關河彌增翹軫不任
追佇望覩思賢謹附一行代申面及十月孟
冬翔鴈孤鳴深動羈人之思飛蓬獨轉更傷
旅客之悲况阻關河能無憶及相見未晚禱

恨為勞。信至如流。希歸一札。十一月仲冬。秋
首分飛。許即相見。為緣公務。遂闕躬奉。恨憶
勞心。寸陰如歲。觀水池之寫鏡。云似羈愁。對
寒雪之凝花。彌添旅思。奉面未白。略略備承。
十二月季冬。春首分離。本期兩月。如何一別。
便阻三冬。斷絕音書。無慰勤積。比加寒風。飄
雪。等柳絮之驚飛。不審高賢。何當故里。深思
言會。仰望成勞。馳奉數行。謹佇來問。

董其昌月儀帖乾隆乙丑季夏下浣之八日御
臨鈐寶二。乾隆御筆。摘藻為春。

引首

御筆。求其友聲。鈐寶一。乾隆御筆。

鑑藏寶璽五福五代堂古稀天子寶。八徵耄念之
寶。人情為田。天根月窟。觀書為樂。含經味道。宸
翰稽古。右文之璽。石渠寶笈所藏。

御臨王獻之洛神賦十三行一冊

本幅宣德牋本二對幅每幅縱四寸橫二寸
六分楷書

臨王獻之洛神賦十三行

見寧壽宮所藏御臨王獻之書洛神賦

十三行并圖冊

乾隆乙亥冬月御臨鈐寶二幾暇怡情

得佳趣

鑑藏寶璽古希天子八徵耄念之寶石渠寶笈所

藏

御筆蘓楊論

一卷

本幅粉牋本。縱一尺一寸二分。橫三尺四寸二分。行書。

蘓楊論 蘓武留匈奴十九歲而還。楊重英留
緬甸二十一年而還。念其事相類。作蘓楊論。

武在匈奴。餐旃蓄雪。勢不能久。向已有說。然其
娶妻生子。漢書章章可考。重英在緬甸。其誓死
不降與武同。而無武娶妻生子事。今呼路人而

詢之曰。重英與武孰優。必甲武而乙重英。彼故不知武之為何如。人何如事。徒以羶薌久而耳食熟耳。則司馬遷所云。非附青雲之士。惡能施於後世。語誠不爽。緬甸之歸順也。總督富綱。猶責其不獻重英。予以為過於羅索。既而其長隨以重英及其時被遮之兵。并自暹羅所獲粵民致之邊。及入邊。重英謂同歸之兵曰。今生還本朝。即伏國法。亦瞑目。是可哀矣。問其在緬有無

易衣娶妻生子事。則皆以為無。而重英本抱病
來。因遂故。以其志可憐憫。命給道員銜。仍將錄
其子。夫重英容為在緬偷生。茲仍加薄恩。所為
仁義兼施。教忠之道也。若武之為典屬國。漢之
恩為過優矣。而猶有歎其被賚薄者。是何耶。且
以重英所為。較武有過之無不及。武乃奉使。而
重英則不過從軍被拘留也。若曰因附青雲而
得名之傳。則其傳與不傳。固不足為貴耳。乾

隆戊申孟冬御筆鈐寶三古稀天子之寶猶日
孜孜觀書為樂

引首

御筆 鑒衡勵節 鈐寶一古希天子

鑑藏寶璽五福五代堂古稀天子寶八徵耄念之
寶人情為田天根月窟石渠寶笈所藏

御臨蘓軾六帖 一冊

本幅金粟牋本。八幅縱三寸九分橫四寸行楷書。唐永樂道士侯道華以食鄧天師棗仙去。永樂有無核棗。人不可得。華得之。余在岐下。亦得食一枚云。雪浪齋書。


至人之心如珠在淵。常人之心如瓢在水。子瞻臺榭如富貴時。至則有草木如名節。久而後成。東坡書於雪堂。身如芭蕉。心如蓮。

花百節疏通萬竅玲瓏。來時一去時八萬四千。此義出楞嚴世未有知之者。元祐三年九月。書贈都嶠邵道士。眉山蘇軾來遊廬山。休樂天醉石之上。清泉潺潺出林壑中。俯仰久之。行歌而去。家有黃筌畫龍。拔起兩山間。陰威凜然。舊作郡時。以祈雨有應。今夕具香燈試禱之。濟明雖家居。必不廢閤雨意。可來燒一炷香否。眼惡點。濯齒便漱。琢治眼。

當如治民。治齒當如治軍。治民如曹參之治
齊。治軍如商鞅之治秦。此張文潛之言也。而
予喜書之。

御臨蘓軾帖。鈐寶二。乾隆

鑑藏寶璽。石渠寶笈所藏。



雙鶴齋二

本朝臣工書畫

張若澄畫

御製擬古詩意 二冊

本幅推蓬式宣德牋本。上冊十五對幅。下冊十六對幅。俱縱七寸。橫九寸五分。上幅楷書。

恭錄

御製擬古詩三十首并序。見

御筆擬古詩卷。弘德殿所藏。

末

幅款臣張若澄敬書鈐印二。臣張若澄筆
恩雨下幅水墨畫各詩意末幅款臣張若澄
恭繪鈐印二。臣澄

鑒藏寶璽

七
璽

西峯秀色

皇上御筆書畫

御筆倣沈周柳陰散牧圖一卷

本幅宣德牋本。縱一尺一寸二分。橫三尺三寸。水墨畫卧柳斜坡。一牛帶縴散行。并題。

喘飛丞相問。耳濕牧人來。何似無拘束。烟莎濶步迴。在腰傳白綬。鳴笳應黃鐘。腹果休教懶。東郊好力農。乾隆丙寅上巳。偶倣沈周寫生。

并題二絕句。鈐寶六。乾隆御筆。摘藻為春。繪事
後素亮天工。幽風無逸。念民依與物皆春。

引首

御筆。興寄求芻。鈐寶一。乾隆御筆。

鑒藏寶璽。古希天子。五福五代堂。古稀天子寶。八
徵耄念之寶。保泰天地為師。石渠寶笈所藏。

御筆畫關虎騮 一卷

本幅宣德歲本縱一尺一寸橫三尺二寸水
墨畫關虎騮馬並題

養老育林苑。馳驅將廿年。驚看來碩果。寧忍被
文韉。騮騮今何在。驂騮幸尚全。銜恩邁良遇。合
號馬中仙。舊時所御良馬三。今惟關虎騮獨
存。老不勝馳駘。命育之南苑。圉人牽以來。駢前
頤。戀如不捨。畜有若是。信乎其稱良也。以視食

人之食而不知報者遠矣。因寫其形，並系之以詩。癸酉春，御筆鈐寶四。乾隆深心托豪素，指遠辭文。

引首

御筆。雄姿如昨。鈐寶一。乾隆御筆。

鑒藏寶璽。五福五代堂古稀天子寶。八徵耄念之寶。含英咀華。筆花春雨。石渠寶笈所藏。

西峯秀色二

本朝臣工書畫

錢陳羣書紀

恩恭和詩四首 一卷

〔本幅〕宣紙本縱六寸六分橫九尺行書 乾

隆二十五年夏五

御筆橋梓圖一幅幅間

御題詩一首詩後有識圖成

諭曰是賜臣錢陳羣者即命其子汝誠寄去六月
八日家人嚴福齋歸臣展圖恭閱畫蒼老高
潔詩情深文明書結體古秀三絕也臣伏地
九叩跪而言曰此我

皇上幾暇游藝及之而神妙至此天縱多能亶其
然乎橋梓二木見於書大傳古未有成圖者
今高卑俯仰商子所云宛然在目臣不能畫
麤識畫理古名家畫樹木者必依山臨水或

倚以石或襍以竹取勢引勝然後稱能事焉
即使雲林孟端未能除此結習今

御筆信紙直行截然而兩木各具生意蒼茂葱蒨神
蘊於筆墨之先司空圖云神出古異澹不可
收差可方物至

訓示深遠明長幼之節揭慈孝之旨目擊而道存
真千古未有之至寶也臣又恭繹

元韻及識仰見

聖主眷舊扶衰憐憫愛惜溢於行間

聖慈高厚洵為至極臣父子感激涕零有非楮墨所能達其萬一者臣子錢汝誠敬依

元韻恭紀四首另本進

呈外臣亦敬和四首仰祈

睿鑒臣不勝感激惶悚之至曉夢周公未喫茶

合用書大傳虛全
詩意時曉寐初起驚傳

墨寶到臣家檐前黛色連雲氣堂上清陰滴露華

說與卑枝長護本。會看老樹亦生花。茅衡鎮日風烟接。天際依稀下晚鴉。墨卿初名試

芳茶。畫法倪王是一家。

是國畫雲林孔楷周孟端兩家法。

模同氣色。仰橋俯梓各菁華。詩情繡出千機。

錦筆勢風迴滿苑花。臣愧衰齡無腕力。歌斜

猶自學塗鴉。午日當年

賜葛茶殊榮今復拜

天家濡毫著紙流

恩意訓孝言慈見道華橋似仙人曾結棗

黃鶴樓西偏有

仙人象云是曰道人呂岩手植色如梓如鍊漆疎枝無葉千餘年猶生意盎然也

樹欲開花開來小立階除際一陣輕風正起

鴉呼童特地為煎茶讀畫人來野老家要

以民彛徵物理豈惟筆墨洗鉛華什筐世世

尊

鴻寶賴手朝朝汲井花遙想

園成簾乍捲碧果愚外有鳴鴉臣錢陳羣恭和敬

書。鈴印二。臣錢陳羣。勤能補拙。

鑒藏寶璽

金七璽

安瀾園一

皇上御筆書畫

御筆節臨聖教序 一冊

本幅宣紙本。六對幅。每幅縱七寸三分。橫一尺。行書。

臨聖教序。

起昔者分形分跡。至不能汙其葉。見寧壽宮所藏。御臨聖教序卷。

節臨聖教序。乾隆乙亥暮春下澣御筆。鈐寶三。乾隆學鏡千古。

前副葉

御筆。法叅妙諦。鈴寶二。五福五代堂古稀天。

子寶信天主人。

鑑藏寶璽。八徵耄念之寶。石渠寶笈所藏。

御筆畫夏日八香 一冊

本幅宣紙本。八幅縱二寸一分。橫四寸五分。
水墨畫。一。荷花。二。蘭花。三。梔子。四。茉莉。五。晚
香玉。六。珠蘭花。七。夜來香。八。玉簪花。分題。
臭味在水雲鄉。藹然鼻觀第一。花田艷。
郁如溫如。自蕊宮紉佩來。素馨友。鶴
仙。元人有三香圖。止早春數種耳。暑窓雨過
時。盆花砌卉。遞馥交芬。更勝春庭百和圖。繪夏

日八香為一冊。墨林中又增此段佳話矣。已
卯御筆。每幅分鈐寶絜矩。激觀。潑墨。朗潤。研露。
幾暇怡情。落花滿地。皆文章。寫生。會心不遠。德
充符。含輝。中心止水靜。叢雲。乾隆宸翰。比德。太
卦古香。

鑑藏寶璽。古希天子。八徵耄念之寶。石渠寶笈所
藏。

御筆節臨孫過庭書譜

一冊

本幅宣紙本八對幅每幅縱二寸一分橫五

寸草書

臨孫虔禮書譜

起易曰觀乎天文至北極星降見

御臨孫虔禮書譜卷

節臨孫過庭書譜已卯夏日御筆鈐寶二乾隆

鑑藏寶璽古希天子八徵耄念之寶石渠寶笈所

藏

御臨米芾尺牘 一冊

〔本幅〕宣紙本。推蓬式。十二幅。每幅縱三寸七分。橫七寸。行書。芾篋中懷素帖如何。乃長安李氏之物。王起部薛道祖一見便驚云。自李歸黃氏者也。芾購於任道家一年。揚州送酒百餘尊。其他不論帖公亦嘗見也。如許即併馳上。研山明日歸也。更乞一言。芾非才。當劇咫尺音敬。歎然。此想慶待為道增勝。小。

詩因以奉寄希聲吾英友竹前槐後午陰環
壺領華胥屢往還雅興欲為十客具人和端
使一身閑聞張都大宣德權提舉榆柳局
在杞者儻蒙明公薦此職為成此何事致薄
効何如南京以上曲多未嘗識又以明曲
則水遙遠又自來南京以上方有水頭以曲
折乃能到向下則無水頭此理是否真脉
一斤少將微意欲置此菓實去又一兵陸行

難將都門有幹示下。豚是胡西輔所送。蒙
面諭浙幹具如後。長洲縣西寺前僧正寶月
大師收翟院深山水兩幀。第二幀上一秀才
跨馬。元要五千賣。只著三千。後來寶月五千
買了。如肯輟元直上增數千買取。蘇州州衙
前西南上丁承務家秀才丞相孫新自京師
出來。有草書一紙。黃紙玉軸。間道有數小真
字。注不識草字。未有來戲二字。向要十五千

只著他十千。遂不成。今知在如十五千。肯告
買取。更增三二千不妨。芾頓首啟。畫不可
知。書則十月。丁君過泗。語與趙伯老云。要與
人即是此物。紙紫赤黃色。所注真字。編草字
上。有為人模墨透印損痕。末有二字來戲。誓
才字也。告留念其直。就本局虞候撥供給錢。
或能白吾老友吳舍人。差兩介送至。此尤幸
尤幸。再此百五十千。與宗正爭取蘇氏王略。

右軍帖。獲之梁唐御府。跋記完備。黃秘閣知之。可問也。人生貴適意。吾友觀一玉格。十五年不入手。一旦光照宇宙。巍峩至前。去一百碎故紙。知他真偽。且各足所好而已。幸圖之。芾再啟。賀鑄能道行樂慰人意。玉筆格十襲收秘。何如兩足其好。即有意一介的可委者。同去人。付子敬二帖來。授玉格。却付一軸去。足示俗目。賀見此中本。乃云。公所收紙黑。

顯偽者此理如何一決無惑。芾頓首再拜。
比者大旆行邑。獲望顏色。許立下風。用是寒
蹤。知所依託。稍睽侍。右詹系實深。尋承徑之
鹽城。比知己還治府。謹奉狀陳情謝。不備。
米芾尺牘九種。御臨鈐寶三。乾隆學鏡千古。

鑒藏寶璽石渠寶笈所藏

安瀾園二

本朝臣工書畫

鄒一桂畫花月 一冊

〔本幅〕宣紙本。十六幅。縱五寸五分。橫八寸。設色
畫。八幅。一。梅月。二。松月。三。柳月。四。竹月。五。梨
月。六。荷月。七。紫薇月。八。桂月。每幅款。臣鄒一
桂恭畫。分鈐印。勝讀。問明月。有益。泉心。自怡。
尔尔。如如。臣一桂書。八幅。蠟牋本。

御筆分題行書

李花難辨漫輕猜香暗影疎有是哉
恰合青邱契神句果然林下美人來
濤聲收靜晚風閒

古鏡圓擎霄漢間箇是軒轅初鑄出
祇宜朗照赤松顏
月牙柳葉兩爭蛾斜拂高標翠滴窠

試以一言相等度少為貴固勝其多
何須細

雨不關風葉葉虛明節節通此是纖阿非洛浦
身傍自佩玉玲瓏
小院低牆出枝處半輪幾

朶入花時。鬢唇。麝葉。晚粧。稱不藉溫臺有鏡披。
不著荷花著荷葉。伊人應讀梵經傳。雖然轉
語還須識無碍。其中全葉蓮。奚必居然月浸
池。舍人早是自成詩。畫家多寫舜俞句。句外傳
神似此誰。豈是吳剛修未到。宛看放出外生
枝。依然不離廣寒殿。却契光光相映時。甲午
仲夏月。御題。分鈐寶。得象外意。乾隆宸翰。所有
同春。即事多所欣。和順積中。筆花春雨。烟雲舒

卷繪月有色水有聲用筆在心吟詠春風裡慎
脩思永心清聞妙香忘機心宇曠落紙雲煙乾
隆

鑒藏寶璽

七重全

五福五代堂古稀天子寶圓明園

寶

澄虛榭

本朝臣工書畫

錢陳羣恭摹

御筆石芝圖並恭和詩

〔本幅〕金粟牋本縱七寸六分橫一尺七寸五分。水墨畫摹石芝狀欸。

御畫石芝

八分畫

錢陳羣恭摹時年七十有九

印四奇珍。臣陳羣儼若思管窺蠡測恭錄

御製詩

見

乾清宮所藏御筆石芝圖軸

乾隆甲申新春御筆

臣錢陳羣敬仿鈐印三元音臣羣

後幅謝摺和章識語

臣錢陳羣謹

奏本年二月十六日接臣子臣錢汝誠家信內

奉到

皇上賜題石芝長律並

御畫石芝一卷。臣恭設香案叩頭祇領。說竊臣於

上年嘉平下澣恭進石芝一本。因見其結芽

海底托生意於重洋賦質靈根孕清滋於華

月斐然白膏宛爾天成藉憑寸忱肅將葵敬

乃蒙

皇上憐此遠致攷所從來邀

睿賞以稽名。識垂成之碧樹。草琅函而核實。辨佐

食之難蘇旋。

名墨卿。發揚盤枕。寵之瓊盛。冠冕藝林。

禁藥頌來。恍披拂於綠水。茅簷拜受。永錫鏤於

丹衷吟。

詩而仰止。軒圖如登太室。讀

畫而神依。芝蓋長映瑤光。前此玉笋壽貞珉。自幸

拍肩僧紹。今茲瑞莖。傳素楮。居然接跡東坡。

珍比百朋。榮流奕世。所有感激下悃。理合繕

摺恭謝謹

奏臣陳羣可勝感激榮幸之至。鈐印一。勤能補拙。

恭和

御製石芝元韻。弱質先承鐵網羅。敢將白贄貢

居那。林栖未上瑚。瑚市。建異客。詩。明。林。敢。有。地。明。估。貢。

客曾逢。馬瑞坡。臣。市。建。異。客。詩。明。林。敢。有。地。明。估。貢。

天。不。出。外。錢。數。而。大。時。得。奇。不。售。即。以。觀。

孤山左
娉自遺
織似鮫綃文疊疊裁如仙佩影娉

天藻
標題後水府靈莖永不磨
昇平德產自充

筆起
雲根驚海客益堆雪浪笑東坡芙蓉出水姿

賜一年
逾安寫尾傳神致更娉六七年來三拜

恭和鈴印一臣錢陳羣
事離磨臣錢陳羣

虞藻
徵珠樹旋拜
注載其山次輝挹雲霞纓

軒圖授玉坡山水經
摩娉臣錢陳羣

春小
草依榮感不磨昨秋
食同叨
人觀之皆以爲

之
錢汝誠恭和鈴印二臣錢汝誠西

清餘暇。

臣幼侍母作繪事。私心竊喜。臣母恐妨讀書。

戒勿學。遂已。雖真素未紹。而耳濡目染者久。

至今觀覽名繪。真質微有會心。則習者之門。

師承有自也。昨拜

御畫石芝圖一卷。清瑩凝重。洵屬非常墨寶。

幾餘游藝。恰直新春。望外沾榮。傳來奇采。故觀日

數十次。心摩神契。適得古紙。勉而仿焉。書

元韻於上。復書臣父子恭和之作。並陳謝劉子於

後。非敢謂上報

瓊瑤。於以志銘感。依戀之忱。於萬一云。臣錢陳羣

拜手敬識。鈐印二臣羣敬。

鑑藏寶璽

全

五福五代堂古稀天子寶。八徵耄

念之寶。人情為田。

[illegible]

鄒一桂萬松圖一卷

〔本幅〕宣紙本。縱七寸八分。橫五尺六寸。水墨畫。松岡沓疊。懸瀑幽居。款。臣鄒一桂恭畫。鈐印一。臣一桂畫。

御題行書

邱壑鬱蒼蒼。喬松拂夏涼。疎枝風入爽。團蓋日如藏。落澗濤相答。倚天峯共昂。著書白屋者。應是註羲皇。丁亥季夏御題。鈐寶二。比德朗潤。

鑑藏寶璽

七全

五福五代堂古稀天子寶八徵耄

念之寶清吟寄遐思所有同春

蔣溥畫

御製塞山詠霧詩意 一卷

本幅宣紙本。縱七寸七分。橫四尺七寸五分。
設色畫塞山霧獵景。款。臣蔣溥恭畫。鈐印二。
臣溥畫前

御製詩

塞山幻戲何爾奇。白綿彌谷乾闥移。履高若低
隱乍現。障近成遠。東忽西城。郭臺觀舉。仿佛蜃

樓海市非人為。或如王母降玉輦。或如木公駐
葆旗。張公五里裴三里。鸞鳩何異榆枋枝。日中
零鷲倏歸岫。千岩萬嶺明傑池。旋覺皮衣著體
暖。生風耳後花驄馳。偏伍彌縫有節制。曾無一
騎隍中迷。南人行船北人馬。有能不能難強其
肩輿。得得來翰苑。縱觀卒愕相嗟咨。爾亦何必
相嗟咨。為吾走筆為新詩。壬申秋七月。木蘭
行園。

御製霧詩一首。臣汪由敦敬書。鈐印二。臣由敦。後

附臣工和章。

皇威震遠山。貢奇初獵之晨。塵境移。彌漫陵麓。散

原隰。空濛上下。連東西。非雲非烟。更非雨。一

氣千里。詎豹為風。吹忽露山一角。龍蛇飛動。

天上旗。少焉日出。光杲杲。氤氳掃盡。鉦掛枝。

青山綠樹。秀無匹。依舊清影。臨清池。臣也何

人敢就逸。南方柔弱。畏騁馳。仰視驟驟。千騎

躍陸離。還似看花迷。

聖人如天。因物付力。所不能悉諒其。

深恩。感極轉滋愧。愧此孱怯。相嗟咨。正愧孱怯。相

嗟咨。却荷寫入。

卿雲詩。臣蔣溥恭和。鈐印二。臣蔣溥。染翰。

秋山曉霧。景絕奇。遠近峯嶂。頃刻移。彌漫歛。

躡爭獻技大澤豹隱安能為霏雲肩雨沃陽曜搖
掣條現雙黃旗乍濃忽淡互掩映纈林時露
經霜枝欲收半卷沈谷底芙蓉朶朶浮清池
天工人事極神變白義飛鞚空中馳盼分羽
騎布叢嶽蹄聲弓影咫尺迷合圍披豁碧宇
一顧笑且浴有如塞山魚塞草拈將新意供
新詩臣汪由敦恭和鈐印二臣由敦

鑑藏寶璽

全七璽

董邦達仿黃公望烟村野約一卷

〔本幅〕宣紙本。縱七寸五分。橫七尺七寸六分。
設色畫板橋亭榭舟楫遊人。款烟村野約。分八
畫恭仿黃公望筆意。臣董邦達鈐印二。臣達

御題行書

處處烟村流水通。木樵野約接西東。高人底事
攜筇過商權。古今訪志同。丁亥夏日。御題。鈐
寶一比德。

鑑藏寶璽

全七璽

蓬島瑤臺

皇上御筆書畫

御臨蘭亭詩序

一卷

本幅金粟箋本。縱一寸八分。橫七寸。

臨王羲之蘭亭詩序。

見

乾清宮所藏。

御臨並

丙寅首夏。撫仇英修禊圖。臨玉枕本於上方。鈐

寶二。會心不遠。德充符。

引首

御筆。雄秀天成。鈐寶一。乾隆宸翰。

鑑藏寶璽。石渠寶笈所藏。

御臨陸東之書蘭亭詩 一冊

〔本幅〕金粟牋本四對幅每幅縱一寸八分橫一寸三分小楷書 五言蘭亭詩陸東之書
悠悠大象運輪轉無停際陶化非吾匠去來
非吾制宗統竟安在即順理自泰有心未能
悟適足經利害未若任所遇逍遙良辰會其
三春啟羣品寄暢在所因仰眺望天際俯磐
綠水濱寥朗無厓觀寓目理自陳大矣造化

功萬殊莫不均。羣籟雖參差。適我無非新。其二

猗與二三子。莫非齊所託。造真探元根。涉世

若過客。前識非所期。虛室是我宅。遠想千載

外。何必謝曩昔。相與無相與。形骸自稅落。其三

鑑明去塵垢。止則鄙吝生。體之固未易。三觴

解天刑。方寸無停主。矜伐將自平。雖無絲與

竹。元泉有清聲。雖無嘯與歌。詠言有餘馨。取

樂在一朝。寄之齊千齡。四其合散固其常。脩短

徵毫念之寶。游六藝圃。妙意寫清快。清吟寄暇
思。意在筆先。已有同春。寫心落紙。雲烟墨雲。寫
意于物。研露用筆。在心。取益在廣。求天根月窟。
和順積中。石渠寶笈所藏。

御筆仿高克恭山村圖并書遊月詩一卷

本幅宣紙本。縱八寸三分。橫五尺四寸。水墨
畫夜月重巒茂林村舍并題。

夜遊山月歌。夜遊休秉燭。那窮巖阿與溪曲。
夜遊休乘輦。雙輪輾輾艱動轉。聽我夜遊山月
歌。金鞭珠勒便利多。崇峯峻嶺任遨行。而却不
出山莊石城之遮羅。此情蓄以九閱載。因緣此
夕興百倍。寥天疊嶂如有期。明月清風不用買。

山鳥啾啾。山鹿呦呦。聽如仙樂。勝撥瑩篴。既弗
為太白手捉之狂逸。亦弗取知微借酒之幻術。
取之無盡。用不竭。得得隨人茂林出。載月以舟
者。寧可縷指數。自謂策騎廣寒。曾未聞於古中
庭。卽或有其人。鮮見上馬而觀。下馬歌而譜。記
憶細故。其馬窮東坡踞虎豹。登虬龍。祇宜傲二
客耳。安能蹀躞驅青驄。霞標弗待月。霞標
弗待月。去歲斯已然。萬山之中。夜跋馬。自覺磬

控艱周旋有如銜轂亦何要身先習武寧渠謂
此馬霞標弗待月肩輿卓午宛莅止適繞雖有
言或者好逸為游語即景婆娑興不淺未免見
獵心猶喜心喜其如力弗從古稀天子誠老矣
四壁泐有夜遊山月詩歷吟祇益增慚耳既
彙書歷年遊山月詩並倣高克恭夜遊圖成卷
貯避暑山莊霞標處茲再倣克恭卷祇錄癸未
壬寅二作以弄懋勤宸翰蓋遊月詩雖多而癸

未一篇言景言情尤為愜合而今歲之作實記
弗待月之由以見予之創為此舉不過寓意原
非留意而不知節也 乾隆壬寅孟秋月下泮
御識鈐寶七几席有餘香朝日輝叢雲半榻琴
書人情為田古稀天子之寶猶日孜孜

引首

御筆 賞契澄鮮 鈐寶一 乾隆御筆

鑑藏寶璽 古希天子五福五代堂古稀天子寶八

定無始造新不暫停。一往不再起。於今為神
奇。信宿同塵滓。誰能無此慨。散之在推理。言
立同不朽。河清非所俟。其五

乙亥長至後三日。御臨鈴寶四。含暉古香太。玊
朗潤。

鑑歲寶璽。石渠寶笈所藏。

御筆雲上於天解 一卷

本幅宣紙本縱九寸二分橫二尺八寸行書
雲上於天解 嘗讀易需之大象曰雲上于天
需音義者於上字發圈讀為上上聲於是程傳遂
有雲氣蒸而上升於天之語審如是是雲仍在
天下非乾下坎上之義也蓋伏羲設卦因陰陽
本然之理非強為之辭孔子於釋卦名卦辭之
後而加以大象者亦因陰陽本然之理而非

強為之辭也。怪力亂神，夫子所不語，恐人求之
奇也。是以變其文曰：雲上於天，雲即水也。然而
程子雖不求之奇而已失其義矣。蓋上仍應作
去聲，讀為上下之上，是坎在上而天在下也。或
曰：天無在水下之理，則予有說焉。且人知水之
在地上而不知地之在水上也。或知地之載於
水而在水上，不知天之在水下也。何言之？天為
圓體，元氣運之以行，周天三百六十五度四分

度之一日夜一周而不息。其在上者穆穆清清。舉頭視之為天。其在下者。圖圖圖圖。右旋而輪轉者。獨非天乎。知地之在水上。則可知天之在水下。天無不包。其在水下之時。非坎上乾下之需乎。需者待也。待其輪轉而上。則為天水訟。而違行有所不免矣。此至平至易之理耳。夫知天之有在水下之時。則若地若雷若風若火若山若澤。均有在天上之時。可推而知。此實八卦本


然之象。不必求諸神奇。謬悠之談也。夫善言易者。不言易。若吾斯所言。得毋乖言之義乎。若夫葛洪。渾天之說。謂天表裏有水。引黃帝水在天外之說。以證之。黃帝之說。不見於經。然黃帝自是天裏之人。裏之未窮。表何能知。果如是。是水外於天。而大於天矣。且水之外。當更有天矣。此與釋家之忉利。道家之禹餘。又何異乎。夫子之所謂雲上於天者。或亦有懼于類斯之語乎。晉

天文志之引葛洪其亦未之思而已。癸卯暮
春之月上澣御筆鈐寶三。水月兩澈明古稀天
子之寶猶日孜孜。

引首

御筆。象訂大圖。鈐寶一。古稀天子。

鑑藏寶璽五福五代堂古稀天子寶八徵耄念之
寶用筆在心。正有同春妙意寫清快大塊假我
以文章。石渠寶笈所藏。



御筆三陽圖並書開泰說一卷

本幅宣紙本縱八寸八分橫四尺五寸水墨
畫三陽開泰行書

開泰說

見

寧壽宮所藏
御筆開泰說卷

羊者陽也。古人因字寓意多為此圖以寓開泰
之義。因一倣子昂法並書向作開泰說以迓新
韶。乾隆乙巳新正御筆。鈴寶三保泰。乾隆。

引首

御筆 義寓宣韻 鈐寶 乾隆宸翰

鑑藏寶璽 吉希天子五福五代堂古稀天子寶八
徵耄念之寶 人情為田 落紙雲烟 研露寓意于
物 華花春雨 墨雲出有同春 即事多所欣

秀清村一

皇上御筆書畫

御臨定武蘭亭詩序 一冊

本幅金粟牋本八幅縱四寸二分橫六寸行書。

臨定武本蘭亭詩序。見 乾清宮所藏。御臨董其昌臨王羲之蘭亭詩序冊。

丙子新秋臨定武本御筆鈐寶三樂意寓靜觀

乾隆宸翰入眼秋光盡是詩。

鑑藏寶璽石渠寶笈所藏

御臨董其昌仿蘇軾帖 一冊

本幅粉牋本。八幅縱二寸五分橫七寸。行書。
登州下臨漲海。枕簟之下。天水相連。蓬萊
十洲彷彿可見。春夏間嘗見海市。狀如烟雲。
為宮殿人物之象。數日前偶一見之。有詩錄
呈為笑。兩日天風。孤舟掀舞。雪浪中。但聞
戶擁衾。瞑目塊坐耳。次公惠法醞一器。小酌
徑醉之中。與公作得醉道士石詩。托楚守寄。

去一笑。新釀四壺。開嘗如宿昔。當味醇冽。
有京洛之風。逐客何幸得此。但舉杯屬影而
已。海錯亦珍絕。雖島外人不收此。得之又一
段奇事也。眷意之厚。感忤無已。昨惠及千
字。荷雅意之厚。法書故人所共好。而軾方欲
省緣。除長物。舊有者。猶欲去之。又況復收耶。
謹附封納。不訝。遷居江上。臨臯亭。甚清曠。
風晨月夕。杖屨野步。酌江水飲之。皆公恩底。

之餘波想味風義以慰孤寂近有李易者
陽翟人雖狂氣未除而筆墨瀾翻已有飛沙
走石之勢當諒之否歟

董其昌臨蘇軾尺牘乙酉九秋月下澣御臨鈐
寶三乾隆研露

鑑藏寶璽石渠寶笈所藏



御筆畫青雲片石 一卷

本幅宣德牋本。縱八寸八分。橫三尺一寸三分。水墨畫玲石一峰。并題。

青雲片石。鈴寶二。乾隆宸翰。幾暇臨池。

萬鍾大石。青芝岫。欲致勾園。力未就。已達廣陽。却弗前。土塙繚之。葭屋覆。適百里半九十。里不然。奇物靳輕。售向曾舉。運萬壽山。別遺一峰。此其副。雲龍氣。求經所云。可使一卷。獨孤留伯氏。

吹塤仲氏麓彼以雄稱此通透移來更覺易於
前一例為屏列園圓泐題三字青雲片魚作長
歌識所由有時為根鰓隼生有時為峰芳潤激
虛處入風籟吹聲寂中遇雨瀑垂溜大青小青
近相望突兀玲瓏欣邂逅造物何處不鍾靈豈
必莫釐乃稱秀事半功倍萃佳賞宣和之綱誠
大謬是石與昔所題為青芝岫者皆米萬鍾
故物此一峰後至雄厚雖小遜彼而靈透秀潤

過之。因置時賞齋。名之曰青雲片石。而系以歌。
並摹寫成卷。書識其後。與清漪卷石。聲應而蹟。
不必相合。使各不掩所長耳。丙戌夏日。御筆。並
識。鈐寶七。意在筆先。陶冶賴詩篇。學鏡千古。含
經味道。乾隆烟雲舒卷。

引首

御筆。移根友石。鈐寶一。乾隆宸翰。

鑑藏寶璽。五福五代堂古稀天子寶。八徵耄念之。

寶齊物寫心石渠寶笈所藏

秀清村二

本朝臣工書畫

董邦達畫西湖十景 十軸

本幅宣紙本十軸均縱三尺八寸五分橫二尺一寸。淺設色畫。一蘇堤春曉二柳浪聞鶯三花港觀魚四曲院風荷五雙峰插雲六雷峰夕照七三潭印月八平湖秋月九南屏晚鐘十斷橋殘雪。款臣董邦達敬寫。

或恭繪或敬繪或恭

寫分鈐印臣邦達印染翰載筆西清臣邦達

御筆分題行書

詩見乾清宮所藏景冊分鈐邦達畫西湖四十景冊分鈐

寶妙意寫清快乾隆宸翰如水如鏡陶冶賴詩
篇叢雲心清聞妙香研露繪月有色水有聲中
心止水靜乾隆墨雲化工四氣為全施雲霞思
得象外意水月兩澈明筆花春雨垂露吟詠春
風裏即事多所欣几席有餘香烟雲舒卷

鑑藏寶璽


七璽

五福五代堂古稀天子寶八徵耄

念之寡

十幅





方壺勝境一

皇上御筆書畫

御筆節臨宋高宗書洛神賦 一冊

本幅金粟牋本十幅縱四寸八分橫五寸五

分行書

節臨宋高宗書曹植洛神賦

起其形也至羅縠生
塵見乾清宮所藏

宋人仿顧愷
之洛神圖卷款

癸酉嘉平節臨宋高宗洛神賦御筆鈐寶三乾

隆几席有餘香

鑑藏寶璽石渠寶笈所藏

御臨蘇軾四帖一冊

本幅金粟牋本。八幅。縱四寸九分。橫六寸八分。行書。元豐六年十月十二日夜。解衣欲睡。月色入戶。欣然起行。念無與樂者。遂至承天寺。尋張懷民。亦未寢。相與步於中庭。庭下如積水空明。水中荇藻交橫。蓋竹柏影也。何夜無月。何處無竹。但少閑人如吾兩人耳。清泉寺在新水郭門外二里許。有王逸少洗

筆泉水極甘。下臨蘭溪。溪西流。余作歌云。山
下蘭芽短。浸溪松間沙。路淨無泥。蕭蕭暮雨。
子規啼。誰道人生無再少。君看流水尚能西。
休將白髮唱黃雞。是日劇飲而歸。紹聖元
年十月十二日。與幼子過遊白水佛迹院。浴
於湯池。熱甚。其源殆可熟物。循山而東。少北。
有懸水百仞。山八九折。折處輒為潭。深者礎
石五丈。不得其所止。雪濺雷怒。可喜可畏。水

厓有巨人迹數十。所謂佛迹也。暮歸觀山燒
火甚。俛仰度數谷。至江山。月出。擊汰中流。掬
弄珠璧。到家二鼓。復與過飲酒。食餘甘煮菜。
顧影頽然。不復甚寐。書以付過。龍井孤山
下有石室。室前有六一泉。白而甘。當往一酌。
湖上壽星院竹極偉。其傍智果院有參寥泉。
及新泉。皆甘冷異常。當時往一酌。尋參寥子
妙總師之遺迹。見頽沙彌。當為致意歟。

仿東坡書乙亥御筆鈐寶二乾隆


鑑藏寶璽石渠寶笈所藏

御筆畫雪景 一軸

〔本幅宣紙本。縱三尺。橫二尺。水墨畫。遠村積素。老樹漁舟。款。〕

己卯初雪後。香山來青軒試筆。鈐寶五。乾隆天
地為師。畫禪室。清供耳目謀。

鑑藏寶璽五。福五代堂古稀天子寶。八徵耄念之
寶。石渠寶笈所藏。



御筆畫泉林雨景 一軸

本幅宣紙本。縱三尺四寸。橫二尺。水墨畫泉林。

行宮雨景并題。

威沸源泉。淙不窮。氣蒸靈雨。益鴻濛。掇掇接上。
為靈液。始信相資有異功。泉雨 昨日林姿惜有

塵。今朝茈虎沐從新。米家墨戲分明是。大有鋪
牋欲做人。雨林 遠山若失近山存。漠漠冥冥入

晚昏石罅樹叢多積水歸根都以益靈源

雨山

下隴高阡芄麥苗遍傾甘露綠瓊澆誰知爾日

怍怍意一旦釋然為爾消

雨交

潤紫濯紅各逞

奇閒花亦自具良知飛來鳥欲錦叢入慮濕翎

毛轉復疑

雨花

墻根砌角濕飛烟淙淙霧霧被

嫩綠雖不雲棲高十丈滴珠敲玉有同然

雨竹

扈來七萃幕張桐防雨深開之字滿歌舞農夫

怨行路權輕重實慰先憂

雨幕

傍溪屋肖舫為

形。蟻處烟波合。杳冥安福。軀中前半月。較輸此

景岸傍傳。

雨

昨駐泉林。春膏優霽。日成雨景。

八詠。船牕幾暇。憶在川潤意。潑墨為圖。即書前
詠於幘。聊紓籌農盼雨之懷。非欲與海岳烟雲
競勝也。辛卯初夏朔日。御筆。鈐寶六。三希堂。乾
隆。水月兩徵明。筆端春雨。天地為師。

鑑藏寶璽。五福五代堂古稀天子寶。八徵耄念之

寶。石渠寶笈所藏。

御筆歲寒三益圖 一軸

本幅宣紙本。縱二尺七寸。橫二尺。水墨畫松竹梅款。

歲寒三益。壬辰長至月望。三友軒寫。鈴寶五。乾隆三友軒。松竹一庭道心。新藻發春妍。

鑑藏寶璽五。福五代堂古稀天子寶。八徵耄念之寶。石渠寶笈所藏。

御筆古希詩一軸

本幅蠟燭本。縱四尺一寸五分。橫一尺九寸。
行書。

古希希聖未從心。負展遑云久蒞臨。惟是惕乾
勵朝夕。戒其玩愒度光陰。龍乘不息法一健。象
譯由來通六音。憂樂紛哉向何託。積成三萬首
餘吟。古希一律。辛丑暮春月下澣。御筆。鈐寶
二所寶惟賢。乾隆御筆。

鑑藏寶璽石渠寶笈所藏

御筆山桃花詩

一軸

本幅蠟牋本。縱四尺一寸五分。橫一尺九寸。

行書。

始華初候在驚蟄。春冷開遲理故然。仲月已臨
下澣矣。湖隄纔見數枝馬。園林芳信代梅報。詩
句閒情共柳牽。偏是於風有宿約。尋思事忌太
求全。山桃花一首。癸卯仲春月下澣。御筆。鈴
寶二。乾。古稀天子之寶。

鑑藏寶璽石渠寶笈所藏。

御臨米芾草書帖

一軸

〔本幅〕側理紙本。縱三尺二寸。橫二尺。草書。

元日明牕。焚香西北向。吾友其永懷。可知展
文皇大令。閱不及他書。臨寫數本。不成信真。
者在前。氣焰懾人。也有暇作譜。發一笑於事
外。新歲勿招口業。佳。別有所得。泗戎東下。未
已有書至。彼俟之。

米芾草書帖。御臨。鈐寶二。古稀天子之寶。猶日

孜孜。

鑑藏寶璽八徵耄念之寶。石渠寶笈所藏。

方壺勝境

本朝臣工書畫

永理寫生 一冊

本幅宣紙本八幅縱五寸橫一尺五寸四分

水墨畫芝蘭梅竹款 子臣 永理恭畫

鑑藏寶璽

全七璽

古希天子八徵耄念之寶

鄒一桂畫草蟲一冊

〔本幅〕宣紙本。十二幅。縱四寸。橫五寸八分。設色畫。一。杏花。蛺蝶。二。翠梅。螳螂。三。荷包牡丹。蝴蝶。四。藍菊。蜻蛉。五。野薔薇。蜜蜂。六。水木。樺黃蜂。七。牽牛花。牽牛娘。八。蠶豆花。蠶蛾。九。金絲草。蚱蜢。十。扁豆花。絡緯。十一。梨花。椿姑。十二。柳蟬。每幅分題款。臣鄒一桂。臣一桂。臣一桂恭畫。分鈐印。臣一桂恭寫。臣一桂畫。詩畫。

臣桂之印。

御筆分題行書

翻翻葉葉競相忙。為有過牆粉。辨香設認董林。
作宋祥。尚應餘恨在康王。梅子結時開翠梅。
底須名實浪評猜。我冠其際。閒遊者不去當車。
炫美才。非從園吏夢中得。定是滕王稿裏成。
等度鼠姑名。若似怪無兩翅。艷香蒙池心。牆
角任飛浮。藍菊叢間汗漫遊。便是東方能射覆。

尚應疑似在勾姜 野客由來稱最香
開花荒陌僻郵僂蜜蜂作陣間相採
不敢無端近省郎 腰細宓妃原可擬
身輕趙后足相齊 木樨花下如餘恨
毒尾輸他尹後妻 娟娟蚊蚊風露
下畫圖相值喜名同 黃姑秋日無聊甚
那問閒花及野蟲 幸免湯鍋煮煉絲
飛蛾栩栩自為嘒 三生石上如相約
還是花開蠶豆時 田祖有神秉畀
將跳踉草上尚無妨 惡他頭黑身還

赤雜俎曾經紀酉陽。豆籬簇戟作花新。索索
莎鷄振羽頻。詎得孤村鷺。嬾婦幾多香閣憶。征
人。化生椿樹號春姑。何必春秋較蟋蟀。幾穗
蓼花聊可託。思量未與大椿殊。含風吸露有
餘清。莢彼柳斯寄體輕。便是綠絲長。踈地那能
綰得出林聲。庚寅孟夏御題每幅分鈴寶。古
香太朴會心不遠德。充符激觀得佳趣。含輝比
德明潤幾暇怡。情席上吟。乾隆宸翰。

鑑藏寶璽

七
全

鄒一桂畫花卉一卷

本幅宣紙本縱四寸八分橫二尺設色畫一
蘭花二梅花三杏花四貼梗海棠五長春花
六桃花七梨花八紫蝴蝶九金盞花十石竹
花款臣一桂鈐印二臣一桂恭畫

御筆分題行書

再芳早是傳荆楚九畹如何只舉春應為凜秋
權讓菊一般氣味伴幽人鐵榦冰花蓓蕾紅

墨勾不襲補之翁為文悟得同歸理喜語難工
苦易工 婀娜烘春千葉纖粧成世界是華嚴
吳融詩句徐熙畫靜裏拈來數筆無 迥異
絲影動搖敷花著幹見丰標不香亦自饒風韻
金屋何妨貯阿嬌 淺深紅暈足精神婉婉韶
光逐月新豈是女夷偏注意故教四季總含春
剛欣芳蕊輝霞纈已看殘英貼水來點筆意
遲聊靜會一枝似為我重開 綠雲鬟髻玉粧

成雨後風前最有情。却笑低頭簪帽者。愛花翻
汙此花情。 瓣似金萱色奪朱。亭亭葉幹鬱相
扶。春駒飛入如尋侶。名相風流了不殊。 小於
玉笋大於錢。好侑流霞玳瑁筵。李白若逢應却
置解醒。那及甕頭眠。 此花亦被此君名。娟娟
裳裳且自縈。世上寧無假君子。底須弄裏太分
明。 癸酉暮春御題。每段分鈐寶。會心不遠德
充符。含暉古香清玩。三希堂比德朗潤。席上珍。

中心止水靜。激觀幾暇怡。情得佳趣。

引首

御筆。采芳擷秀。鈴寶。一。乾隆御筆。

後幅鄒一桂恭和詩。

碧叢遠剪穿殘雪。玉燕中珠接早春。龍點春
香供座側。素心花對素心人。姑味欲冠春
園萬卉紅。獨留本色與詩翁。韻殘白雪含青
豆。調鼎猶資贊化工。姑味淺淡胭脂著粉
纖。嫩寒猶自怯霜嚴。桃花紅與梅花白。和合
春風一筆為。右味不怕柔姿上步搖。十分
紅暈勝桃夭。風前飄泊傷無那。倚傍深窠自
在嬌。故右味慙却封姨別有神。要同月姊

問時新紅顏易老何曾老一歲能看十二春
右味長 去歲春歸無覓處於今收拾畫圖

未彩霞紅露仙鸞集為報西池宴復開
右味長 夢未成淡無情處最含情恍疑

重赴羅浮約一片香雲記不清
右味長 湖斑匪印朱胡胡如欲倩人扶莊生夢覺渾

難辨宋玉鴻頭色更殊
右味長 杖頭錢細草茵圓即綺筵狼籍東風柳去

醉來還枕落花眠
右味長 名盛沐滋培日向榮 小花何意得高

聖主虛中情勁節玉階堪草立文明
右味長 桂恭和鈴印三中有臣一柱一柱印

鑑藏寶璽

七頁

懋勤殿鑒定章幾服鑒賞之璽



董邦達寫意山水 一冊

〔本幅〕宣紙本。十二對幅。每幅縱二寸一分。橫一寸八分。淺設色畫。各標名。一林岫空亭。二孤石蒼筠。三松雲蔚秀。四平林翠黛。五溪村罨畫。六梧竹延清。七蘆磯獨釣。八霜林步屨。九烟巒疊翠。十江濤帆影。十一寒雲梅塢。十二松崖苔磴。款臣董邦達恭畫。鈐印二。臣邦達對幅。金粟牋本。

御筆分題行書

笠檐四柱絕纖塵嵐靄峰巒變態新底事亭中

無坐客讓他千古看山人

仿章草

青牛經雨莓

苔潤綠鳳因風韶濩鏗冰雪雅懷深契處介然

靜復灑然清

仿右軍

丹青奇絕由心匠寸楮收

羅萬疊山我亦因之步松徑翠微深處每忘還

仿大令

藉甚倪迂與大癡筌蹄忘即兩兼之平

林翠黛無多景雅稱詩人意興遲

仿索靖

携得

行滕便靜觀。溪村即景對秋瀾。板橋夜雨添新

漲。茅屋晨光轉薄寒。

仿唐文皇

小立無須信步行。

蕭然梧竹喜雙清。照黃木肯尋歸路為待宜人

古月明。

仿虞世南

石磯跼餌荻蘆蒼。詎為槎頭縮

項魴。無盡烟波傲風月。任教清濁付滄浪。

仿褚遂良

漸染濃青作淺紅。蓊收繪事比春工。詩家體

物誰深造小杜風流老杜雄。

仿顏真卿

几上誰教

草嶂橫許多溪壑。許多情恰如詠物初無句意。

到淋漓信筆成

仿蔡

名山入剡一帆收怨婦

何須祝石尤。只有江濤千古在。春花秋水自東

流。

仿蘇

不放雪來虞遜色。却遮風去為留香。

凍雲未是無情者。惜玉應教獨擅場。

仿黃庭堅

揀

擇雲崖結草亭。威紆翠巘遠為屏。長松落落發

天籟。便步丹梯試一聽。

仿米芾

每幅分鈴寶幾

暇怡情。乾隆宸翰得佳趣。會心不遠德充符。

前副葉

御書 無窮清新 鈴寶三三希堂乾隆

後副葉

御題

己巳春杪易州迴蹕行在多暇適篋中携有董
邦達山水小冊愛其筆趣生秀每幅分題斷句
輒乘興仿各家法自伯英以迄元章書之副頁
非即謂兼集諸長而風塵之次握管有得古人
云即此是學或庶幾焉乾隆御識鈴寶三三幾暇

怡情得佳趣乾隆宸翰附臣工恭贊

奎文之妙時行而行化工所到萬景光明如
扶桑日曉曉晚升春風駘蕩左拂右縈慶雲
紅縵星漢晶瑩有露而甘有雨而霽沾濡暉
映垂實揚聲懿是秘冊雲烟窈冥詞臣應

詔燕華而成

翠華時邁屬詠怡情詞高摩詰蹟溯伯英為朔燕

望四序澄清為律為呂和聲以鳴即小見大
因物賦形拜手仰贊垂億千齡臣蔣溥臣梁
詩正臣汪由敦臣嵇璜臣觀保臣張若澄恭
贊

鑑藏寶璽

全七璽

藻園

本朝臣工書畫

錢陳羣書

御製賜和田園襍興詩 一冊

〔本幅〕宣紙本。二十幅。縱六寸七分。橫六寸八分。行書。

御製賜和詩

和錢陳羣和田園襍興十首書以賜之。 庸醫望

問覓形聲。氣餉三閭。病豈成我。令歸田靜。調攝
精神。竟得復平生。忽忽過隙。白駒催。聞道家
居七袞。開蹕路迎鑾。多舊侶。就中頗喜此人來。
村舍何妨。門縛柴。逃禪時有野僧來。惟應結
習。依金闕。一寸相思一寸灰。前歲灾鴻。實獎
勞。賑賙南望。首徒搔。相逢為問。民蘇未。巡狩寧
因問柳桃。開年正可墾春畦。更喜柔柔葉漸
肥。勸穡課蠶。林下事。豈能高枕說閑歸。武原

舟放莫教遲。見陳羣詩烟雨樓前烟雨微。檢得石湖

詩卅首。一時賡韻興軒飛。陳羣詩本和范成大田園稌興三十首之

也十溪上風來料峭寒。春衫也覺切肌單。笑伊

何故朝衣典。鄉俸從今志可寬。命如沈德潛例在家食俸故戲

之及世族錢塘嫡派錢。禦兒遷里是何年。澎湖

森森澄明水。可養胸中一片天。溪雲欲泮柳

烟低。柳外青帘颺影飛。新壓糟床春酒熟。換沽

可解帶腰圍。炊黍何論萸與菰。怡情桃李繪

薰醲今來扈蹕經教置可忘螭頭珥筆供 臣

錢陳羣敬書於寶應舟次鈐印一全家在雨
露中附陳羣及蔣溥錢汝誠恭和章

御製賜恭和和田園襍興十首元韻補臣陳羣於客夏

曾錄近稿進

呈內有武原舟次即事偶用范成大和田園襍興
十首韻詞臣里居奏歲封達稍展依戀仰求
訓示亦適然耳月正元日臣黎明詣郡城天寧寺

望

閏賀正二日即登舟北指恭迎

聖駕行至蘭陵臣四子汝隨齋到正月初二日接
臣子汝誠家信內有十一月十一日

頒出

御製賜和詩稿十首跪讀之下驚喜惶悚感涕

零復用

御製詩韻敬步十首鳴謝

奎章下賁方深猷

德之來暄曝抒誠初諧迎

鑒之曲又聞是日

上命內廷諸臣恭和臣子汝誠與焉俟

御書發下廷臣各錄和詩彙為一卷再當祇領為

臣家傳重寶殊榮異數真亘古罕遇云履

端瑞霽下

天聲三百驥珠光混成眷舊

思深語親切淚流喜頰感平生萬仞朝鳳日相

催倦鳥離襪翅欲開不謂丹山方振翼

暉光先到小巢來白版雙扉日拄柴閣行閑詠

偶然來洪鑪一入甑陶裏便有餘溫到冷灰

方傳醫手昔徒勞偶動鄉思首重樵大藥

天上

賜莊中夏秋詩同功逾鄴菊與綏桃病餘隨分理新味芋要

陽坡菜要肥春水春山二三子薄遊興盡便

聖主

勤民同一視楚江輪輓百艘飛成勳壯民食

九重求莫軫飢寒曾勅司饗減食單大有今年拜

天賜歡呼蹕路

睿情寬老何須還乞郡拜水街錢康祿從今又幾年養

聖朝存舊德同天思許臣在家食休也

北指迎

鑒帆影低詞臣躍馬正南飛一

從句三日還家假情話春宵一

壽獻春供

附錄 臣蔣溥恭和十首

紫雪

人聽發鴻聲
南望吳雲念

老成料得年來身較健

人和煦育慶更生。江皋農事早春催。

金輅重巡淑景開應體

聖心敷化切
陳氏隱淞
淞淞來塾
淞淞也
與燕
崇質近

學藝文書記
叶麻朱
陳犀相契
十五

集近懷同真。坐向寒爐獨撥灰。四載林栖荷

息勞。祇稜四憶。荀頻。橋石湖十首。選。

宸和遠勝瓊瑤木桃虞仲山連茅斐野

水
石
鯉
魚
肥
紫
吸
隨

1950

華經

鄉井寒食風光
駕曹西奏

許暫歸此水
湖菱漲水紆遲海上山遠

皇恩猶記使星飛。日濟邊曾藏櫟。朝恩典浙金鄉

雨深恤臣軀到暖寒。春衣宜裕復宜單。厚

恩希有。向後腰圍莫減寬。禮逮儒臣沈又錢。田

園共享太平年。一犁鳩雨雙鋤出。唱答農歌

樂性天。班隨豹尾晚星低。過里

恩教色六飛。蒙陳章思詠子列臣計日江船

相見喜。鬢絲風動柳絲圓。好我春韭與秋

聖化醲報答可知。紫萼寐。懃懃教子職惟供。

附錄臣子錢汝誠恭和十首。望雲常憶權

歌聲。一曲由承夢屢成。自拜刀圭

天上賜衰齡。白髮又重生。晚直頻聽漏箭催

騷吟驚捧五雲開。感

恩淚與思親淚。並燕齊吟眼底來。通村風雨舊

天

荆紫放刺閑尋白社來
即事郵筒呈近句
蓬
應幾度換寒灰
家食真憐蠅
湖西問竹桃
詩
臣
華
食
仍
為

龍舟

春水綠生肥
欣從豹尾依
眠食携杖趨扶
袴
處處桑枝與菜畦
年
未
至
思
再
建
之
時
之

幸

隔歲逢向陽
自比寸表微
試煙風裡迎
日上
金由

金由

聞說春流一
權飛元前
百
年
迎
家
書
云
風
坐
通
於
日
上

龍光

深勵素絲寒
扶續如投衣
被單較量
臣
家
湖

恩波

更覺十分寬
鄉園風月豈
論錢從此年
年

堯天

慶有年中外
一時都感美
子孫惟有戴
歸來
偶話桑麻日
未低
樓簾
晒
樂
燕
初
飛
歸
來

賀監微前約手植盆松已一圍臣父楊史州志
也盆松有詩有吏約弱質深慚比露蕊醍醐世

受澤逾醜國思家訓難忘處。免勉惟將職矢供。臣子錢

汝誠奉到御製詩十首作信南寄時廷臣恭和詩。未曾彙集

惟臣蔣溥臣錢汝誠詩已脫稿附信內寄歸因並錄之恭呈

睿覽臣曷勝感激惶悚之至。謹跋。臣錢陳羣恭
進鈐印二臣羣敬

鑑歲寶璽七厘金

錢維城畫萬卉熙春 一冊

本幅宣紙本。十二幅。縱八寸。橫一尺。設色畫。
一。杏花。白山桃。二。玉蘭。貼梗海棠。三。藤花黃。
薔薇。四。荷包牡丹。山丹。五。紅梨。紫荊。六。榴花。
金絲桃。七。荷花。茨菇。八。翠桃。秋海棠。九。菊花。
剪秋羅。十。萬壽菊。淡竹葉。十一。楊妃茶。天竺。
十二。水仙。金盞款。臣錢維城恭畫。鈐印二。臣
錢維城。染翰。

御筆分題行書。

圖來豈是自靈山。綻翠剪紅尺幅間。恰似未忘
情白傅。舞腰仍對素和蠻。領袖羣芳春曉開。
天斯是矣。灼非哉。畫家寓意須詳審。莫認紅梅
與白梅。無香遮莫恨淵材。磬口深紅別樣裁。
開向圖中長不謝。宿粧殘粉漫須猜。原是辛
夷種接植。陳淳詩句欠分明。文家堂畔春三月。
下足長言更寫生。綠簇琳瑯裁密葉。黃標琥

珀綴團花色。如衛足嫌多刺。買笑那能防關奢。
葉如張蓋花如錦。步障由來勝紫絲。不寫施
松。寫獨立。可知作者具深思。鼠姑葉具體而
微。君子花形是也。非。恰似佩囊密懸帶。俗名何
礙號依稀。擔艷花承葦。蕤叢。渥丹彷彿詠秦
風。南開夏孟北夏季。節令暄寒有不同。乍見
紅梨白梨似。始知大放雪英蕤。名臣古語真堪
味。憂盛危明意在茲。紫葩綠葉綻枝皆格物。

因之別契懷。感悌或誠非。感孝笑他奇。語迷齊
諧。枝頭疑火却無焰。幘裡含姿祇少香。似妬
遊蜂頻採掠。高低齊綴絳紗囊。布金園裡拈
來卉。遍地英英色作黃。底事花開必五出。天然
數亦叶中央。薰風習習水溶溶。翠幹銀花也
自穠。開傍芳荷定何礙。可知君子善能容。益
清香遠美非艷。雅淡粧成自照波。底事圖中無
並朵。一夢已足豈須多。移根原異西池種。面

作翠藍桃借呼。底事開花弗結子。有名無實姓
疑盧。一以開春一以秋。名同實異詎無由。木
堅草脆彼春占。偏傲秋光此豈柔。輕羅薄薄
剪深紅。秋色傳來自漢宮。似是履霜注坤卦。却
教九月先幽風。淺紅淡白耐秋暉。陶令籬邊
是也非。莫訝叢無黃色朵。世間原自副名稀。
煒煒黃花照日明。雅如七月詠稱觥。傳神名繪
偶經眼。避席佳言更切情。葉抱節生形似竹。

花依葉綻小於錢。詩人體物無不至。扇撲曾聞
詠碧蟬。劍南種本近楊妃。小字何妨一借依。
即看壓枝豐潤朵。也應不讓太真肥。勻圓顆
粒不參差。聞說根從天竺移。數盡珊瑚百八子。
真言六字竟為誰。瀟灑冰姿迥出塵。清泉汨
汨水磷磷。水仙設果詢名姓。不是琴高是洛神。
漫稱鍾令泛流霞。遺蹟重披縫念睎。借問伊
人意何寓。四時無日不開花。丁酉新春月中

泮御題。每幅分鈐寶。幾暇怡情。得佳趣。乾隆宸
翰。潔矩。妙意寫清快。會心不遠。掬水月在手。中
心止水靜。墨雲德充符。激觀齊物。叢雲幾暇臨
池。抑齋雲霞思。比德朗潤。几席有餘香。愛竹學
心虛。研露乾隆。

鑑藏寶璽

七璽
全

錢維城畫千巖獻秀 一冊

本幅宣紙本。十二幅。縱八寸。橫一尺。設色畫。
各標題。八分。一。山樓澄霽。二。茅堂野約。三。荆
扉虛敞。四。疎樹苔磯。五。鏡浦垂綸。六。小亭圍
碧。七。岩居深蔚。八。晴湖水暖。九。層峰嵐靄。十。
霜皋松籟。十一。蘿磴盤雲。十二。瑤林瑞色。臣
錢維城恭畫。鈐印二。臣錢維城。柒翰。

御筆分題行書。

秋烟澄處露山姿。恰合登樓霽景披。點筆自應
非襲舊。為他不類許。渾詩。書堂虛向水天開。
背峙崇山崔且嵬。野竹雖然鎖溪口。却無一客
過而來。誅茅山複水環處。嘉蔭清飈趣可延。
虛敞荆扉豈無意。室中並乏舊青氈。石磯平
坦俯澄湖。綠緝輕苔似毯鋪。想彼幽人來把釣。
三千六百廣張殊。至清湖水鏡光披。獨坐扁
舟弄釣絲。意不在魚無亦可。名言家語豈忘之。

山如蘊藉不期深。一个孤亭俯碧潏。何必簷
端張綠幕。四圍喬木有嘉陰。青紫紫邏曲復
曲。絕俗離塵真不真。豈是無端稱避世。恐防谷
口有蒲輪。春水初生接遠空。晴光入照綠波
融。祇宜買箇鹿頭舫。去作平湖放鴨翁。夕靄
朝嵐落應期。妙哉一氣爾能為。層峯太古初無
意。借問吹噓更為誰。平皋霜落樹知幾。綠欲
為丹密欲稀。祇有喬松無改節。謾濤吹籟故依

依東谷西凹一障分。中峰嵒嶭獨超羣。欲知
絕頂栖仙處。蘿磴還須盤白雲。瑶林積素不
模糊。留白寒光遍野鋪。此是人間真瑞色。寧須
著粉更施朱。丁酉新正下澣御題。每幅分鈐
寶。幾暇臨池。乾隆宸翰。德克符會。心不遠。浴德
追琢其章。取益在廣。求千潭月印。中和中心止
水靜。涵虛朗鑑。日監在茲。幾暇怡情。得佳趣。叢
雲。乾隆。

鑑藏寶璽

七
全

皆春閣一

皇上御筆書畫

御筆哨鹿賦一冊

本幅宣紙本十六幅縱六寸五分橫八寸。行書。

哨鹿賦

見養心殿所藏御筆前後哨鹿賦卷

此已巳秋舊作

也。壬申秋八月既望。行猶寒外。晨興命哨。宛憶前遊。虎帳餘閒。輒擬董香光書體。重錄一過。御

筆。鈴寶三。寓意于物。樂意寓靜觀。乾隆宸翰。

鑑藏寶璽。八徵耄念之寶。五福五代堂古稀天子寶。圓明園。石渠寶笈所藏。

御筆夜亮木賦 一冊

本幅宣紙本。十二幅。縱七寸五分。橫八寸。行書。

夜亮木賦

見養心殿所藏。御筆夜亮木賦冊。

塞外有夜亮之木。於古未之嘗聞。

皇祖始為之賦。乾隆壬申秋八月。駐避暑山莊。勅幾多暇。念彼枯朽。伏處僻遠。而自耀於光明。因託蘇子之辭。命筆賦之。并仿東坡書法。錄成此冊。

御筆。鈐寶三。乾隆宸翰。得象外意。含味經籍。

鑑藏寶璽。五福五代堂古稀天子寶。八徵耄念之寶。圓明園石渠寶笈所藏。

御臨顏真卿書朱巨川誥 一冊

本幅宣紙本。二對幅。每幅縱二寸。橫一寸五

分。小楷。

臨顏真卿書朱巨川誥。見養心殿所藏顏真卿書朱巨川告身卷款。

乙亥春月御臨。鈐寶二。古香。太玉。

鑑藏寶璽。石渠寶笈所藏。

皆春閣二

本朝臣工書畫

董邦達畫山水 一冊

本幅宣紙本。八幅。縱三寸七分。橫六寸五分。
水墨畫。一。山坳林屋。二。湖上幽亭。三。橫嶺飛
泉。四。臨溪松屋。五。流泉石磴。六。春景湖山。七。
崖橋柳竹。八。平流野釣。款。臣董邦達敬寫。鈐
印二。臣達。

鑑藏寶璽

全七璽